

明季遺聞

序

明季之誤。從前京貫中連。顧  
厨外角榱桷錯出。已非一日。  
卽如豫楚敗局。予所目擊。心  
訝。不知當年方勦。何以遽撫。

既撫何以旋勦。何以食甚。  
音方吞灰洗胃。而過憎鳩眼。  
反俾飽颺。何以負嶠伏毒。猶  
坐睨玩掌。而厚奉驕子。甘以  
身殉。自予在南。遙切齒此事。

猶計寇與兵馬牛其風耳。及  
泣汙而始驚。左右之皆寇。敵  
國之皆兵。腰鞬叩首之材官。  
自供皆闖操營裏脫。而對壘  
所獲。無非胥日堦下卒。督撫

道帥固多西人。胸中卽未恐  
逆料。而畏變。至者。惟其粉  
梓。視赤子。直草菅然。從此入  
蜀。入楚。捷於奔塵。破畿破都。  
爭先面媚。至南中之恃一江。

閩中之恃一嶺。譬竈婢重簀。  
捍扉以攫羹汁。悍奴潛踪三  
窟。而竊金珠。藍鬼杞之頻激。  
叛宿將長脚檜之私自築秦。  
城又何誅乎。頃者野史紛紛。

類非典要。惟吾流綺家。擅史  
才。博雅宏通。覃精時務。年來  
著述頗富。幾於等身。旣旌詩  
媛。隨輯遺聞。中若雪北。闕之  
禍。非中樞東隅之釁。生舊輔。

明夫貴陽一姥將鼓桃葉之  
楫以再敗苧蘿南安半襦冀  
偷歸命之榮以徐居奇貨試  
朗誦崑山片檄遂東尺箋已  
足令脂樵粉泣何似寓英雄



於兒女者香奩燭淚猶痛深  
今古耶故予序流綺著述種  
種而尤神辭於遺聞蓋深慨  
夫馬革羊腸前轅後艇豈無  
郭李詎異姬姜不覺慚翰墨

於虎豹而更讓鬚眉於巾幗也。

前年家弟薛宋今衲米題

自序

嗚呼。明季之事。天與人難言哉。自三代以迄唐宋。繼世有天下者。莫不禍亂代起。以開中興。其間惟晉元宋高。偏安江左。他若夏少康。商武丁。周宣王。漢世祖。唐肅宗。凡邊亂內難。一皆削除之。光復

舊物告成太廟。享有所年保民之譽。以  
垂久遠。明朝祖功宗德。較隆前代。而先  
皇帝以聖明在御。時食宵衣。比之太康  
之尸位。仲王之廢嫡。厲王之內嬖。哀平  
之外戚。惠帝之昏弱。明皇之淫蕩。徽宗  
之晏佚。舉無一端。謂宜治平立臻。而逆

寇犯闕。身殉社稷。烈於七君。言天言人。  
都不可信。蓋自故輔烏程武陵輩。不能  
以堯舜之道事君。務拾申商督責唾餘。  
以煩苦天下。十六年間。三事九列。繩繩  
繼繼。半是持祿養交。唯諾成風。賄賂競  
尚。始而裁驛。繼而加派。繼而抽練。繼而

郡邑以催科爲上考。庶司以搜括爲能。事繼而簧鼓細人。流言流說。以倍剋爲希幸。兼以高尚威嚴。獄訟繁興。民不堪命。而又錢法。錢法。一時並行。致海內若集若焚。怨讟盈路。盜賊蜂起。勦不成。勦撫不成。撫雖有善者。末如之何。屈指當

日。不。乏。名。流。如。品。行。高。峻。卓。出。倫。表。之。

吳鄭。

鹿友  
玄嶽

閑。通。博。雅。磊。落。千。古。之。錢。王。

牧齋  
覺斯

慷。慨。擔。當。定。心。經。世。之。洪。盧。王。史。

亨九  
鐵山道隣

奇。情。至。性。孤。行。特。立。之。黃。蔣。

文姚。

石齋八公  
湛持現聞

乃。至。直。言。強。諫。鐵。面。冰。

心。百。折。不。回。輒。軻。顛。躓。之。劉。趙。楊。章。

晉卿

前之機  
部魯齋

熊姜傳李

魚山如農  
右君灌谿

詹任毛魏

一庵黎之

成曹周葉諸公

寶慈履垣  
仲馭渭山

而

芝川倩石

羣小必掣其肘。絳其足。毛舉驚擊。俾任

事之念不勝。其救過之念。跋前疐後。而

憂患多。左方右圓。而才智詘。不過出嘆

於朝。入嘆於室中。宵徬徨。當饋而起。一



時事而  
可同乎

日○勢○成○土○崩○瓦○解○以○祖○宗○櫛○風○沐○雨○之○  
天○下○輕○輕○斷○送○於○衆○小○人○手○宜○乎○有○識○  
者○憤○激○而○言○謂○今○日○毋○論○李○綱○難○得○卽○  
求○一○大○小○人○若○秦○檜○亦○不○可○得○也○迨○弘○  
光○南○渡○時○事○日○非○除○聲○色○貨○利○之○餘○無○  
朝○政○自○誥○命○贈○廕○而○外○無○功○能○真○所○謂○

清歌漏舟之中。痛飲頽屋之下。泄泄杳杳。於斯爲甚。若夫八閩兩粵。餉匱兵單。愈趨愈下。尤不足觀。譬之千金之子。家資蕩盡。四壁徒存。而又外侮交訐。爲之紀綱者。復從而陰耗之。其主人復不能憂勤節儉。欲以左支右吾。光前猷而復。

陽明先生  
笑

祖業此實難已。試問誰秉國成。則貴陽  
桐城南安。吸脂吮髓。前後一轍。此與易  
程武陵。又何以異。蓋若輩有小人之心。  
無小人之才。才能治天下。亦能亂天下。  
惟無才。止能亂天下。不能治天下。殆明  
季之謂與。卽有一二正人君子。公忠體

國若姜高劉呂祁許張吳熊馬章金數

輩

居之經齊念臺儼若世培霞城非聽

藐山紆洪雨殷培原格庵道隱

非聽

投級去則重得罪耶曾有一人得安意

行道者乎而後以致治保邦又曷望焉

皇清入關伸義勦賊時朝議冊封晉藩

於江南興滅繼絕誠爲盛事會聞金陵

擁立。遂興南下之師。不二年間。摧枯拉朽。東南半壁全入版圖。求如晉宋亦不可得。凡此盡人事之不臧。與抑出於天數之有定。與頃者野史紛紜愛憎失實。如王之明。假冒太子。而以爲真。左崑山迅掃群奸。而稱爲叛。張司馬矢忠北進。

而加以不逮之名。李太史倡議南遷。而昧其先幾之哲。乖訛顛倒。類不一端。茲就先達之緒論。合之邸報之流傳。稍爲詮次。成帙。昔齊公仲氏。懼女醜而無歸。日譽女之美。且許以千金之裝。人曰。女姣而復贈以厚裝。必醜。卒不聘。申屠氏

女美懼其女之入於宮也。乃毀爲惡。亦卒不聘。夫美醜之不以毀譽掩如此。余又何必曲舌強爲飾說乎。然則燕都之變人耶。而寔天也。金陵閩粵之失天耶。而卽人也。天人之際。余殆不能不三致意云。

九例

一野史從來不廢是編悉紀明末遺事其先  
帝朝事無關於鼎革者茲不盡載另有崇禎  
紀事一刻大書而特書之至新朝大政洋  
洋纒纒別載國史紀畧以自附於瞭誦瞽  
說之義

一明運告終實由流寇蹂躪海內幾十餘年  
自秦晉而蔓延楚豫以及吳蜀燕京茲特詳



攷歲月條貫而詳悉之所幸 皇清入關伸  
義復仇。往致史相公書有云 國家定鼎燕  
都。乃得之於闖賊。而非得之於明朝也。因已  
爲萬世之定案矣。

一江南浙東。入關兩粵。俱不書帝書上。僅稱  
年號以尊 王也。其當日章奏。稱呼仍舊。倣  
前史例也。攷崇信錄云。年號是紀時事。帝號  
乃誦君德。觀於章奏書冊中。紀年年號。從不

擡頭可以想矣。卽清朝封事亦多稱其年  
號。但斥之耳。

一集中叙載人物之賢否。言行之臧否。要皆  
攷據邸報。採擇見聞。不敢虛美隱惡。以重機  
史之咎。

一殉難諸賢在北都者。易名卹贈。炳耀千秋。  
其在東南抗節諸公。亦奉

聖明有詳訪確議之旨。蓋聲其罪未始不憫。

其心殺其身未嘗不高其義也並應直書以  
見癡忠

一南渡事多未備止記耳目所及如浙事得  
之許子決紀事閩事本之家大人紀畧粵事  
悉之瞿常熟家傳暨華方若新書摠俟後之  
君子致要論定云爾

流綺氏又識

明季遺聞卷一

上

江左鄉

游流綺

賊李自成初名補基。陝西米脂縣人也。祖海父守忠。世農頗饒。自成初。好勇。與鄉李過即一為暴于鄉。娶妻有淫行。手刃之。以負債故。受過于父同知。并殺之。懼罪。逃入甘肅為兵。以功陞把總。又殺王參將。遂為賊。初崇禎皇帝卽位。勵精圖治。軫恤民艱。憂國用不足。務在節省。於是給事中劉懋上疏請裁驛遞。可歲省金錢數十餘萬。上喜。著為令。有違予者。罪不赦。部

祖宗設立  
驛站所以  
保無強有  
力之人使

之肩挑背負耗其精力銷其歲月竭其口腹以不敵  
 其用只須其胃溢矣何至  
 其食民而為盜乎况  
 無當金錢不足抵死  
 沙之擲於  
 於管焚特  
 耗耳

科監司多以此搜譴去天下備留奉法顧秦晉土瘠  
 無田可耕又其民饒膂力貧無賴者藉水陸舟車奔  
 走自給至是遂無所得食未幾秦中登饑半米千錢  
 民不聊生草根樹皮剝削殆盡上命御史吳姓資銀  
 十萬兩往賑然不能救又失驛站生計遂相聚為盜  
 給事中許國榮御史姜思賢等知其故具言驛站不  
 當罷上皆不允眾共切齒于慈呼其名而詛咒之國  
 其形而叢射之慈以是自恨死棺至山東莫肯為殮  
 負者至委棺族舍經年不得歸已已  
 清兵薄畿畿

不  
利者  
是父  
是

四方援兵勤王保定兵首領餘亦多中路逃者因與  
亂民合勢嘯聚山澤秦中鎮將守臣議感賊于險據  
隘殲之可一鼓盡也三邊總督楊鶴獨力主招撫議  
賊出險遂橫不可制鶴以此被逮下詔獄上意必欲  
誅之以欲用其子嗣昌故賞其死然首禍寔自鶴云  
賊既蔓延秦晉間又歲壬申登萊兵變因朝關寧兵  
馬步二萬討平之朝議欲乘戰勝精甲渡河進剿兵  
部尚書張鳳翼家本山西慮其驅賊入晉也阻之盡  
放遼兵出關賊遂得渡河而南因入豫入楚入安慶

賊首之有名號者在秦則稱紫金梁王和滿天星

子塊老猢猻一字王劉小邢骨隊領兵王整齊王

塌天姓過天星張南營八大王八爪龍姓西營八大

王張獻二隊八大王不沾泥混世王曹操亂世王八

隊闖將姓張飛九條龍五條龍賀變全高總管等二

十四家晉豫則稱英王王鎮虎朱溫趙令軍曹操吳

計過天星郝光混天星荆聯子過江王混世王大膽

王征西王福壽王齊天王密靈王國和尚老猢猻上

天龍山獵雁黑心虎接山虎新一王西營八大王

南營八大王北營八大王混天王紫金梁正大土關  
王領兵王老那四隊六隊八隊圍塌天順義王等三  
十二營各擁衆數萬少者萬計蹂躪直省無虛日時  
李自成方依關王高氏與劉良佐自結一隊號關將  
名不大著矣。西賊在河南沿山州縣無處不到正月  
副將芮瑋戰死武安二月中軍曹鳴鵬陷沒趙寨三  
月賊入清化游擊趙效忠登屋擊賊墮地死遊擊陶  
希謙在武安出禦賊硯水日暮移營賊乘之落墜死  
總兵左良玉馳救清化賊方去復馳武安勝之於三



中州戰功  
湯左第一  
中山開平  
之亞也

并獲賊首小秦王。總兵曹文詒自晉來援。勝于毛嶺。五月。賊盡至磁。衆十餘萬。長可五六十里。總兵郭玘與良王會兵彭城。尾至林縣之清池柳泉。擊敗之。殲其尖騎九天聖等八十一人。其分股犯衛輝者。廵撫玄嘿自乘城以却之。六月。秦將湯九州領昌平兵至豫。時流賊爲鄧左周兩三家兵所追。方從林走輝九州。自涉來林。隔賊之中堅。勝于馬鞍山。斬賊首混天王。賊從林奔懷濟。鄧左追擊大敗之。賊奔潰沿河。從溫孟至武涉。遁入山。復回林縣。時湯九州駐兵木

治居安林磁武四邑之要路。八月有陽邑鎮。村泉清涼山。九龍山。王凱寨。原康村。湖南七捷。斬獲賊口。混天猴等。左有河村柿。黃山。八特三捷。俘斬新立一字王。殺盡王等。周有都里馬鞍山二捷。是月京營副將倪寵王機以禁旅六千至彰德。九月有原康營底泚縣三捷。斬獲飛天聖等。兵勢大振。賊棄妻子走北。奔五臺山。旣而復回京營。尾于後。湯左扼于前。京營隊之千亢候石坡牛尾。激兵勝之。于青店沙岡。賊勢窮迫。十一月賀雙全新虎等因京營乞降。然焚掠如故。

湯九州在林縣連戰三日。勝于兩岔口。再勝于安陽。  
夏村。又勝于旁坐寨清凉山。共擒斬四百餘級。左良  
玉勝之于早生。斬二百級。晉兵曹變蛟亦勝之于清  
縣。守脩許志忠。北遂興等。併力進剿。賊前隊已連夜  
走濟源垣曲。遂以二十四日。乘米渡河。二十六日。破  
澠池。又被盧氏。突破伊陽二縣。賊渡河後。殺掠更慘。  
初止左帥一軍。尾後。繼有盧氏銀洞溝刀。環川柳泉  
之捷。而賊衆四掠。雒陽新安陟州靈寶閿鄉盧氏。水  
軍汝州魯山葉縣舞陽遂平。雒山信陽南陽裕州。遂

明史紀事本末  
卷之六

○初○相○浙○川○新○野○山○鄉○等○州○縣○賊○無○不○至○十○二○月○十○  
九○日○賊○至○郢○城○勢○逼○開○歸○會○日○暮○雨○雪○巡○撫○玄○嘿○起○  
湯○九○州○於○床○曰○事○惡○矣○宜○乘○夜○襲○之○卽○晚○勝○之○吳○城○  
鎮○追○殺○五○六○十○里○殺○賊○盈○野○斬○四○百○餘○級○明○日○又○進○  
及○于○橫○山○鎮○斬○六○百○餘○級○皆○殺○賊○強○壯○是○月○二○十○日○  
左○帥○有○保○安○之○捷○又○有○趙○庄○之○捷○又○有○平○上○關○黑○山○  
之○捷○七○年○甲○戌○正○月○初○一○日○巡○按○劉○公○春○督○京○營○在○  
牛○路○澤○之○捷○出○其○不○意○斬○級○踰○千○得○此○三○路○大○捷○賊○  
始○狼○狽○走○楚○河○南○乃○寧○蓋○賊○最○畏○曹○文○詒○其○標○將○曹○

變。變。更。號。勇。時。爲。之。諶。曰。軍。中。有。一。曹。流。賊。之。心。  
膽。搖。次。左。良。玉。湯。九。州。若。京。營。兵。賊。甚。輕。之。時。賊。大。  
夥。在。秦。勦。撫。未。定。諸。督。撫。前。後。數。十。輩。或。被。譴。去。或。  
逮。繫。去。或。死。西。市。或。戰。死。逃。死。不。可。勝。計。惟。秦。督。洪。  
承。疇。勦。禦。有。方。遂。自。秦。撫。進。五。省。總。督。承。疇。廉。勇。精。  
幹。鈴。率。總。兵。曹。文。詔。曹。變。蛟。左。良。玉。賀。人。龍。等。凡。破。  
賊。於。寧。塞。於。西。安。於。延。北。於。西。涼。於。莊。浪。斬。賊。梁。袖。  
一。魁。等。招。降。中。斗。星。等。毋。逐。賊。奔。馳。往。還。數。千。里。且。  
在。官。舍。過。門。不。入。士。卒。感。其。義。爭。爲。效。死。楊。嗣。昌。在。

謀家國  
罪不赦  
乃生榮  
其期之  
何

樞部忌其才績。意弗善也。會賊在江北安廬者。以英  
山霍山爲窟穴。旣野掠黃麻間。又破隨州羅田。賴和  
廬霍相繼告陷。鳳陽無城可守。雖有總漕楊一鵬駐  
札。兵不過二千餘。皆市人不習戰。賊至。隨彼焚皇陵。  
燒享殿。一鵬達斯給事中許譽卿四疏糾劾溫體仁。  
擬旨。准。蓋不必移鎮。以致悞陵。給事中何楷以一鵬  
爲靖臣王應熊座師。并糾應熊。應熊竟以此罷。楷  
揮包文達。膈中流矢。揮刀陷陣。賊迫令卸甲降。文達  
怒罵賊。砍其左臂斷頭而去。和州知州黎弘。慧學正。

康正諫。總管周廷儒。訓導趙世選。霍山教諭龔元祥。  
訓導姚允恭死之。兵部尚書張鶴鳴。賊索金幣入其  
室。見皆古玉及陶器。遂刃劈其頂達顙。原任御史馬  
如蛟。與兄運尹如虹。一門戰歿。原任副使  
盧謙。諸生韓光祖。葉澤等俱死。惟江浦斗大孤城。知  
縣李維樞。登陴防禦。追賊屢戰。奮膂大呼。所向辟易。  
賊衆宵遁。是時殺戮之慘。天地爲黑。有縛人之夫。與  
父而淫其妻女。然後殺之者。有舉人之父。淫其女。以  
爲盛。而後殺之者。甚至裸孕婦於前。共十其腹中男。

女割而驗之以爲戲。一試不已。至再至三者。又甚至以大鍋煮油。擲孩子於內。觀其跳躍。啼號。以爲樂者。又甚至綁人於地。生剗其腹。寔以米豆。牽群羊而爭飼之。取人之血和米麥爲粥。以饑馬。驢。使之腹壯而能冲敵者。所擄人子女百千。臨行不能多帶。盡殺而去。或殺人而間以蘆葦薪木堆城下。縱火焚之。令穢氣烟燄薰逼城上。守兵立仆。上震怒。勒限六月平賊。齋居武英便殿。減膳撤樂。青袍視事。以示行間文武。其苦與同之意。朝議命盧象昇爲總理。象昇初脩兵



盧洪二公  
皆胸有數  
萬甲兵無  
素奸樞也  
相事事畢  
財寧可斷  
遂封疆不  
有破除門  
戶將相不  
和真非社  
稷之福也

天雄寇興。馳行郡內。散徽州縣。繕城治具。率衆往遇。  
賊數萬。象昇弗却。中一矢。類傷。又一矢。僕。夫斃。馬下。  
象昇提刀戰。益疾。賊乘高臨。後兵至。乃免。賊分黨趨。  
城下。潰發兵攻滑。象昇知賊計。戒守城士勿動。選騎。  
出前伏。草莽。賊至。卒發。大敗之。斬級數千。賊相戒曰。  
此盧閭王。遇卽死。不可犯。象昇以是有能兵名。賊懼。  
南渡河。河以南所至殘。癸甲戌。勛破。命象昇撫。卽。  
大治。乙亥。命象昇撫楚。賊又懼。流河南。總兵祖寬於。  
雒陽等處。三戰三捷。斬級二千。軍聲大振。象昇遂晉。

兵部侍郎總督七省會乙亥歲杪。滁州攻圍甚急。知州劉大鞏馳檄請救。疾走援。奮擊賊大敗。象昇會諸將曰。兵貴神速。今賊氣已衰。失此不擊。長患安窮。趣兵乘其後。又大敗。賊遁。承襲象昇。獨以數百騎入陣中。賊賊困二日。賊不敢犯。象昇與諸將約曰。食盡。道窮。留此死。擊不勝亦死。吾當力衝之。乃率騎往擊。殺萬人。斷食道。越三日。投戈請降。其及之於滁。將盡。獨無遺。顧以淮督朱大典。莫爲堵截。復逸去。會丙子夏六月。休兵。象昇疾走秦關。與總督洪承疇議事。時秦

謝仲在內  
李綱無功  
潘善柔成  
宗澤憤恨  
古今一轍

中之賊方熾。豫中之賊又來。几臨潼。邠州。渭南。臨城。  
華州等處。承疇隨地。廣兵阻賊。象昇又屢獲奇勝。蓋  
魚腴賊。賊旦暮可平。乃溫體仁忌功。象昇忽受命勦  
王。未幾改宣大總督。而以熊文燦代之。文燦惟迎合  
中朝爲事。一意招撫。賊勢復烈。蓋體仁以象昇爲南  
人不習邊塞。改置重地。增其担負。緩則激之。急則殺  
之。此其積念也。後象昇果戰死松杏。承疇尋亦改督  
薊遼。時賊既往來不定。豫中尤稱要衝。關陝以東。黃  
河以南。裹漫以北。延袤數千里。所在馳突。乙亥。巡撫

玄嘿罷去代之者陳必謙必謙與象昇協力勦賊部  
領諸將左良玉陳永福趙國柱等斬興世王于邲縣  
聞世王于白沙整齊王于宜陽掃地王于邲縣患少  
息已而赦詔到豫必謙知其詐欲令面縛詣軍門副  
將王進忠勦賊無功思以款自効單騎入賊營爲賊  
所殺必謙竟以此罷賊又破蘆氏陷陝州攻圍永寧  
破興庄馮庄等寨及岫峪等十三村丙子用經累侍  
邸王家禎巡撫河南時宛南裕舞一帶巨寇鴟張踞  
蟠龍山負嵎爲勢不一年家禎旋罷去陞河北道常

道立代之蓋道立幼在楊鶴衙齋與副昌善。副昌時以本兵入關也。上又憂賊不即平。命內臣於九德劉元斌率禁旅出討。八月抵河南。九德勤幹。諸練兵機其把牌中軍黃得功。宋紀皆驍勇絕倫。官兵勦賊于真陽縣之張家灣。追至光山。千總張國柱被圍。遊擊苗有才救之。而山下雪積坑深。方欲收兵。賊大隊齊發。呼嚶嚶爲號。四面合圍。官兵大敗。大畧劇賊人有副馬。疲則易之。躡捷如飛。官兵用步卒尾之。重趺而至。賊已逸去。喘息未定。他警又告。故將士不勝勞苦。

終無成功。是年賊勢益熾。其在楚者。自秦翼明楊世  
思。應山一捷。斬級五百。而後旋遶麻黃。一股西犯德  
安。一股東趨江北。被英廬。圍安慶。副將程龍以火藥  
含笑自焚。守脩陳于玉等俱戰歿。十月入舒城。秦將  
張一龍勝之于咎家岡。獲其頭目。搥天動等。副將孫  
應元勝之於烏紗山。斬五十餘級。太監劉斌率京營  
兵。鏖戰竟日。追殺七十餘里。號哭震天。殺賊五百四  
十二級。賊遁入山。而秦撫孫傳庭破殺四王。高氏自  
戍入西川。十月初四日。中梨樹塢日等關。副將孔全

斌等遁。于是破罕羌。攻廣元。逆宗朱廷一者。時爲參軍。林守保寧。坐視不救。遂直犯成都。蜀撫王維章聽其突入。不能扼禦。自成往來。階。嶺間。維章逮問。伏法。戊寅。巡撫常道立奏賊犯鄧州。焚毀周王八塋。總理熊文燦報賊困英山。合九路之兵會剿。賊從德黃一路潛遁。楚撫俞應桂逮問。豫撫常道立招撫。闖塌天等闖塌天本名劉國能。性至孝。就撫乃奉其母命也。晉撫宋賢奏混十萬等賊。乘虛窺渡。攻剋五塔。圪塔等寨。攻圍陝州等處。官兵禦却之。賊拔營遠遁。二月。

官兵三戰三捷。敗賊于鎮平縣生擒草上飛。獨脚虎等。斬扒天虎等四人。賊渡河間。光山等處。結連曹掄及托天王。整世王。混世王。十天王。紫微星。過天星。飛虎。八家大賊。來商城固始界。欲上潁。霍等處。爲度暑計。太監盧九德。分佈官兵迎擊。大敗賊于山石橋。擒賊抵地虎。黑旋風等。二月。巡道張天經。又敗賊于黃福店。斬獲無算。招降賊首飛天師等。五月。總兵左光先。又三敗賊于大寨地方。六月。陳永福又大敗之于饒良鎮。嗣是官兵又敗之于宜陽。連庄。雍家庄。林家。



庄等處左良玉又大敗之于高坡。混十萬。

本名侯世範

傷遁。妻子囚。執入省。混十萬亦旋降。九月內臣盧九

德扼之于襄。撫臣常道立擊之于鄧。監軍張大經總

兵劉澤清左良玉張任學擊之于襄。承隨東汝許十

月張任學又敗之于高庄。賊南北無路。轉戰敗逃。凡

曹掾。搗裡。賊托天王。過天星等。賊在豫在楚者無不

分頭鼠竄。已卯三月。清撫中軍劉良佐有光山之捷。

安廬巡道湯開遠有舒城三捷。賊漸西奔。張獻忠曹

掾因入房竹山中。獻忠榆林人。初爲小賊。號黃虎。後

爲賊帥稱入大王假官兵旗襲南陽屯南關左良玉  
適至疑而召之。獻窘逸去。良玉追及。兩馬相望。一箭  
中其眉心。一箭釘其中。指於弓。靶獻倉皇間。良玉舉  
刀劈其面。血流被甲。孫可望力前格之。得免。逃至麻  
城。左帥追勦之。一晝夜行七百里。至穀城。戊寅正月  
初九夜破之。出示民曰。本營志在匡亂。已逐闖兵遠  
遁。本營釋甲歸朝。乃拘耆老具結。遣可望以碧玉長  
尺餘者二方。圓徑寸珠二枚。賄文燦請降。文燦許焉。  
以僉事張大經監其軍。文燦庸鄙無能。駐節襄陽。于

仕途捷徑  
無過賄將  
相奇謀以  
乃招宋人  
之言若為  
此輩為然

後圃種蔬日用數十人灌溉時旱郡邑申文祈雨文  
檄批文云園蔬苗茂禾苗何以獨枯不過奸民為通  
糧地耳其設施如此左良玉謀于巡按林銘球巡道  
王瑞旃欲誘執獻文檄曰殺降不祥力庇之乃移其  
營於城內獻恃文檄益無忌私練士卒造軍器穀城  
諸生徐以顯一見如故教以孫吳兵法又乞職銜索  
月餉且請浥陝盧靈閿五州縣屯馬步兵六千己卯  
春獻忠叛形愈著良玉請討之文檄故彰露其事使  
獻知之強留良玉飲賤稽延時日獻從容盡運兵械

入房山文燦始催出兵則獻已叛矣是時文燦招撫  
十三家賊蜂屯蠭聚中州一帶旋撫旋叛巡按徐一  
范謂可勦之機會與能勦之物力都從撫裡錯過良  
不誣也殺城令阮之鈿瀝血書絕命詞死之良玉聞  
變曰經畧縱虎負嵎使我櫻之不去必以逗遛罪我  
令旗至卽冒暑進兵遇伏大敗良玉列其狀文燦死  
西市命嗣昌代之上寵餞甚至親賦餞歌二首贈行  
御史張肯堂請著爲令有創爲撫說者議出編氓行  
伍以奸細論議出道將紳衿以通賊論議出督撫鎮

帥以悞國論疏入嗣昌弗善也。嗣昌首倡聚斂一議，加勦餉三百萬兩，又加練餉七百三十萬餘兩，合舊派每年加二千三百萬，以致民窮盜起。至是力以減賊自任。賊初聞嗣昌出，頗心怖。及嗣昌抵任，踵襲文燦招撫故智，謀以卹事。委卹撫袁繼成。楚事委楚撫宋一鶴。一鶴貪懦弱，巧諂以嗣昌父名鶴，投揭自署其名曰一鳥。楚人爭傳笑之。嗣昌對守年餘，一籌莫展。自撤白虎之險，縱賊入川，賊勢益張，不可收拾。嗣昌妄聽楊卓然之說，謂獻賊難圖。革左易撫，輒思舍難。

就易檄左良玉趨皖。駕言川中零賊不足復煩大兵。軍中咸知失計。良玉察識其奸。率兵竟去。連發十九檄追之。不遇。賊復出。無當關者矣。且賊由西北陸走襄陽。而嗣昌由西南水走夷陵。岐路相避。猶飾稱鞭長不及。甚至地方失事。匿不上聞。而又虛設捷級。動云寇不足慮。澧州知州蘇瓊等死於賊。嗣昌復砍其頭。充級報功。群賊愈無所憚。庚寅六月。左良玉遣降將劉國能圍獻於瑪瑙山。獻食盡。分兵四出抄掠。不得糧歸者。盡殺之。未歸者。請嗣昌降。良玉使國能將

之前行。詐稱根至。獻開營。遂入。國能衆。掃其營壘。擒其妻孥。與徐以顯。潘獨鰲等。送襄陽獄。獻忠。攀。藤。趙。嶺。逃去。襄陽知府王承曾。素饒酒色。見獻忠。妾悅之。故陳其防。嗣目。檄至。獻邀于路。取檄。遣賊偽爲公。差夜叩襄陽城門。巡道張克儉。見符驗。延之入。時辛巳二月初五日也。漏四下。賊攻襄王府。焚端禮門。尋執襄王。殺之。破獄出。以顯。獨鰲等。獨鰲者。應山諸生。富而吝。縣令婪其財。使人許其不法。鰲憤甚。越獄投賊。獻之文移。皆出其手。署襄陽事李天覺。城破北。而

英氣勃勃

烈氣不  
屈

叩首置印於案自縊推官鄒曰廣被執大罵不屈死  
之已而破隨州知州徐世淳埋印署後勒馬巷戰矢  
貫于頤刀屬於頤耳鼻橫斷墮馬右手握印箱左手  
掣佩刀賊斂刀交下陷胸穴股以死子肇梁亦遇害  
嗣昌在荆懣憤縊死廷臣交章論劾上下其議禮部  
侍郎蔣德璟謂其奸欺悞國請用嘉靖中仇鸞例斷  
棺戮屍然上竟不罪嗣昌也嗣昌之在蜀也安坐順  
慶公署題扁自旌大書堦梅上將迨瀘州破後連陷  
數邑嗣昌猶在醉夢命多脩索子綁賊蜀中爭傳笑



之上以襄陽破故達郎撫袁繼成繼成立朝負直聲  
督學山西脩兵淮陽武昌所至以清惠稱吏民歌思  
之至是合辭叩閣繼成亦出嗣昌手書明已無罪尋  
察其枉赦之方獻與曹操九股之在房竹山中也李  
自成往依焉獻謀殺自成自成覺而逃去入蜀曹操  
者本羅汝才與李自成同依高氏高被擒汝才走楚  
已卯自成自川潛渡入豫取洛陽殺福王內官崔升  
甫十三歲勸福王寧死勿屈抱王不去并見害又  
永寧殺萬安王事聞上震悼兵科張縉彥奏福王身

賊中僅有  
忠臣義士  
循國家不  
早用之

死社稷守國大義日月爭光葬祭宜厚從之吏科章  
正宸奏闖賊從四川來兵部尚書陳新甲急奏賊自  
秦來不自川來蓋嗣昌方奏拒賊于川言從川來則  
責在嗣昌也又破葉縣降將劉國能守葉自刎死其  
妻先死其子方八歲闖賊入城抱置膝上欲收養之  
不從自解所帶小刀亦刎死自成既入洛撰九問九  
勸諸僞詞號召群盜勾引饑民遂爲闖王辛巳自成  
獨雄一部汝才改稱曹營自成進圍汴梁總兵陳永  
福從城上射自成中其左目幾死督臣下被虜率諸

將左良玉、虎大威等集兵朱仙鎮，與自成戰，全師皆潰。六月，閻曹分兵東南下，敗官軍於棗陽，復回豫破南陽。殺總兵猛如虎，與官兵戰於郢城，賊衆折傷適泰撫汪喬年，又敗於襄城。喬年死之，賊資其甲馬火砲，乘勢破歸德，復圍汴。官軍敗績於水坡，賊勢張甚。巡撫高名衡巡按黃澍固守不下。壬午五月，自成遂決河灌汴，城中諸貴官欲爲自脫計，亦鑿堤引水汴梁，遂陷。名衡與澍等乘舟潰圍出走，餘淹沒死者數十萬衆。上念防守勞苦，不深罪，但罷名衡官而已。薩

興龍

妻高氏

夫甘遂

怪我

黃之冠復與關合諸渠帥皆戴關王革則賀一龍老  
徊徊則馬守應胡關則蘭養成爭世王賀錦治世王  
劉希堯皆爲關偏裨及破襄陽下荊州合兵鄖陽關  
令徊守夷陵以犯澧常華趙德安以窺黃麻十二月  
陷奉天賊遣僞將王克生決顯陵求寶僞陽五知州  
張聯奎多備鈇鋤戲策求歡賊方舉事歛風雷大作  
晝晦聯奎見金甲將手持金瓜當頂一擊卽仆迷跌  
地口鼻流血一夜而死聯奎宜城諸生其妻何氏固  
以貌都爲賊所執守節不從慷慨遇難者也克生振

去不知所在。衆賊驚散。闕大懼。遂不敢動。曹賊羅汝才聞之。以天命未改。潛謀歸順。欲殺自成。獻功。尋以印馬分營。起自成。癸未三月十日。自成設酒。縛華明日。率至曹營。斬羅。羅部將楊承祖。素驍勇。率衆盡走鄖陽。投守臣徐起元。起元守鄖數年。處強敵之間。竟保殘疆。無恙。皆羅兵力也。獨在澄間。變闖。調其兵回襄。不從。闖既廣收部曲。設偽號。自稱倡義大元帥。爲一品。權將軍二品。制將軍三品。果毅四品。威武五品。皆將軍。七品掌旗。八品部總。九品哨總。所授將帥。

田見秀、劉宗敏、賀錦、張鼐、黨守素、辛思宗、客可成、李友、任繼忠、吳光義、劉芳亮、劉希堯、李過

自虎等共兵親佐

二百三十餘隊，總計馬步兵六百餘萬，每隊立一標旗，行營望之而走，標營用白旗，肅皆用黑，左右前後分用黑白紅黃色，而肅隨之。自壬午年夏破荊，初改防禦使府尹、州牧、縣尹，至癸未正月，欽天監博士楊永裕投闕，更設六政府侍郎、郎中，從事諸官屬侍郎，則喻上猷、蕭應坤、楊承裕、郎中徐丘、王家庄、鄧岩忠，從事顧君思、郭附龍、傅朝升，防禦則孟長庚、陳蓋、李

之綱、吳大鵬、黃閣、金有章、府尹則張虞機、姚胤錫、牛  
佺、劉蘇、鄧璉、劉茂先、又使任光榮守荊、蘭養成守夷  
陵、王文耀守澧、白珏守安陸、葉雲林守荊門、謝應龍  
守漢川、馬世大守景陵、高一功守信陽、周鳳梧守禹  
州、兵鋒所至、人心惶惶、皆棄城奔走、大江南北、人無  
固志、獻忠因得乘機攻取、先是壬午六月、破黃安、十  
二月、破黃梅、癸未正月、破荊、承荊王播遷、道臣張鳳  
翥、鍾祥知縣蕭漢死之、三月、蕪水鄉宦周之任、勾賊  
破城、道臣許文峻死之、已而陷黃州、黃陂、鄉宦歐陽

致迎降。惟樊維城殉節。維城固孝介公。王衡侄。其父  
玉衡。以御史抗言國本被謫者也。貢生馮雲路。力學  
著書。精禪理。微辟不就。賊慕其名。強起之。雲路不屈  
而死。其門人諸生汪陞。延亦死。諸生易爲瑞。父道暹。  
名重海內。前已與次子爲連。罵賊死。至是爲瑚。亦死  
之。四月。破麻城。從賊大逆。則劣生周文江居首。文江  
爲賊兵部尚書。有原任錦衣衛遣戍劉僑。托文江進  
二美妾。併金銀器皿。玉杯古玩。數萬金於賊。賊用僑  
爲錦衣衛都督。教諭蕭頌璽自殺。賊從鴨蛋洲渡。武



楚肅王  
後人理

昌縣知縣鄒逢吉死之五月破武昌殺楚王驍平民  
三十餘萬溺之江中故輔臣賀逢聖朝服按江死門  
生大冶諸生尹如翁從之楚府長史徐學顏方署江  
夏縣與賊格鬪爲所支解都司朱士昇戟手罵賊爲  
賊斷手而死嘗武衡挂在在告陷衡陽知縣張明翼  
罵賊不屈縛擲中流獻忠大肆殺戮積屍浮江江水  
爲赤橫屍之慘黃巢後未有也八月破岳州復陷長  
沙巡按御史劉熙祚罵賊不屈至血面割腹橫曳樹  
磔以死長沙推官蔡道憲殉義最烈而江西袁吉一

帶面與楚相通。賊從萍鄉、萬載、永新三路突犯吉  
安、安福、廬陵、吉水俱破。後由湖南復入川。據險設官。  
僭大號。收元義武。置左右丞相。以徐以顯爲右丞相。  
潘獨鰲爲中書舍人。築宮室臺觀。置酒自娛。不復出。  
上命江鳳麟、粵各督及鄖院江沅各撫合兵勦賊。方  
獻忠壬午之破武昌也。左良玉避其鋒。擁兵九江。不  
敢逼及。獻既入蜀。良玉畧定武昌、澧陵、長沙、湘潭、湘  
陰、并湖南一帶。又復岳州、監利、石首、上安、德安、隨州  
等處。總督呂大器又復袁州、萍鄉、萬載、吉安、廬陵、吉

水永新太和安福等處大器沉毅知兵方入援時路  
過峽江城門四開聞是官兵反行遽殺詔以八王兵  
到開門出迎手持縣印口稱千歲備有大馬二十五  
匹糧草無數新舊知縣俱已拿下聽候發落大器立  
取奸民梟示之次第恢復時自成已據全洛直窺陝  
西總督孫傳庭故將家子然性怯懦不知兵好大言  
尤邊精銳悉隸麾下又據潼關之險自成欲誘致之  
每戰輒匿精銳驅難民當前因是多所斬獲傳庭志  
益驕屢疏奏捷且上言有白賊中造回者言賊聞臣

名皆驚潰。上信之。因召對群臣。出傳庭疏示衆。兵部侍郎張鳳翔獨言賊素狡多詐。示弱不可信。且傳庭所統皆良將勁兵。不如爲陛下留此家當。上日攝之。群臣窺上意。爭請命傳庭進勦。未幾果覆師。乃削傳庭職。充爲事官。扼守潼關。加白廣恩陝西總兵官。提兵援勦進士程源。疏言。殲大寇必圖大舉。合數十萬之衆。八面而齊攻之。誰應援誰聲寔。誰牽制誰批腹着着。照應使之疲於奔命。救接不暇。然後可一鼓成擒。乞勅傳庭憑關固守。勿事浪戰。書奏不省。十月。

六日傳庭開關延敵賊伏精銳關前引傳庭出遂奪關入三秦頃失改西安爲長安府十一月考校州縣生員一等與六政府屬二等與州縣三等與佐貳是月攻榆林不利再攻乃剋又攻慶陽亦剋一時死職者巡撫馮師孔按察使黃綱長安知縣吳從義渭南知縣楊暄蒲城知縣朱一統商州巡道黃世清慶陽守道段復興慶陽知府董琬榆林守道鄒任合門雉經中部知縣朱新達自知城守不支先令妻妾縊一妾尚未配合新達叱令去妾不可垂泣并縊然後新

公功第  
興華山  
高至水  
深壯哉

達自盡原任總兵尤世威舉家百口付之烈焰身銜  
鋒刃戰死街心原任總兵侯世祿侯拱極王學書王  
世欽王世國李昌期原任副將翟文常懷德李登龍  
張發楊明原任游擊孫貴龍養崑原任守備白慎衡  
全家敘見任游擊傅德惠憲滿國臣李國奇晏維新  
陳二典劉芳馨劉廷杰文侯國見任守備尤勉惠漸  
賀天雷楊以偉掌印指揮李文焜皆不屈死而鄉紳  
死難則原任吏部尚書南師仲禮部主事南居業山  
東巡按御史王道純誥封副都御史朱嘗德宗室舉

人朱誼泉原任太常少卿麻僖原任大同巡撫焦源

溥以罵賊斷舌死原任宣府巡撫焦源清以不受僞

職死原任磁州巡道祝萬齡深衣大帶至關中書院

斯道中天閣下哭拜宣聖從容自經死朝議以兵部

右侍郎俞應桂爲總督而命御史霍達監其軍達秦

人也夙負才畧習知地利上著故用之十一月初三

日上召對諭以有真勦然後有真撫有好將自有好

兵有好好有司自有好百姓在爾寔心爲之命達作速

前去料理達痛哭數陳言西安若在臣不惜死以報

聖諭洋洋  
湯寇安民  
點在此二  
十四字中

皇上比至則僞官充斥。赴任無地。脫是時中樞猶知  
兵當賊困。掄關勿狙。小喜預請濟師爲犄角。可令賊  
奪氣去。卽不然而堅壁死守。勤王兵集。賊亦鳥奔獸  
散。乃一籌莫展。束手待斃。迨甲申春正月。大司馬張  
縉。彥方奉召至。雖拮据綢繆。而賊已由秦越晉。直薄  
畿南。勢如破竹。莫有當關者矣。元日大風。震屋揚沙。  
咫尺不見。時蒲州建國號曰大清。改元順治。而賊  
僭位西安。妄稱大順。年號永昌。恣掠河東。河津。穆由  
滎河。絳州一帶。初三日上特召左中允李明睿。陛見。



明睿南昌人公忠練達以總憲李邦華總督呂大器  
特薦召起田間明睿初欲勸上西遷長安一以親征  
挫賊之鋒一以就甘肅寧夏之士馬一以就咸陽之  
王氣蓋咸陽爲古帝王共建之都四塞之固天下共  
聞以下令於諸侯猶居高屋之上建瓴水也此誠上  
策此開賊入關念只有南遷一策可以圖存轉危爲  
安至是召對德政殿上問禦寇急策明睿請屏左右  
密陳趨近御案與御衣接言臣自蒙召以來探聽賊  
信頗惡今且近逼畿甸此誠危急存亡之秋皇上下

可不長慮却顧。只有奇選一策。可緩目前之急。徐圖  
征勦之功。上曰。此事重大。未可易言。以手指天。言上  
邊未知如何。明睿曰。惟命不於常。善則得之。不善則  
失之。天命微密。全在人事。人定勝天。皇上此舉。正合  
天心。差之毫釐。謬以千里。知幾其神。況事勢已至此。  
極詎可輕忽。因循一不速決。異日有噬臍之憂。當局  
者迷。旁觀者清。皇上可內斷之聖心。外度之時勢。不  
可一刻遲延者也。若築舍道旁。三年不成。此事后雖  
欲爲。有不及爲者矣。言之痛切。上四顧無人。云此事

我已久欲行。因無人贊襄。故遲至今。汝意與朕合。此意決矣。但外邊諸臣不從。奈何。爾且密之。密之上復問中途接濟。睿奏沿途接濟固不可少。然不如四路設兵。四路者。東。山東。西。河南。此旱路也。登萊海船通州。運河此水路也。然皇上却應從東小路。輕車南行。抵淮上二十日。文王柔順。孔子微服。此之謂也。上曰。然。然此事重大。不可輕洩。洩則罪坐汝。睿奏臣謀之。臣取洩之乎。但祈皇上聖斷。皇上但出門一步。龍騰虎躍。不旋踵而天下運之掌上。若兀坐北京。堅守。

城無益也。上曰：朕知道了。隨退還宮。賜晏於文昭閣。  
日午上又召對內殿。詹極陳枚卜考選之弊。請著爲  
令。不立邊功。不許枚卜。不立邊功。不許考選。又言兵  
餉缺乏。民窮財盡。目前只有速發內帑。足濟燃眉。上  
言內帑如洗。一毫無措。詹奏祖宗三百年來積蓄。度  
不至是。上曰：其寔無有。命出外賜茶。未幾夜漏初傳。  
上又召詹進內。近御案問所奏事。卽欲行之。誰可接  
濟。途間用何等官員領兵措餉。駐扎何等地方。詹奏  
濟寧淮安俱緊要地方。不可不設官。須擇重臣領兵。

領餉皇上雖問道微行此兩處扼要不可不豫爲防  
又問是何等官街膚奏須戶兵二部堂上官上曰然  
此時兵俱在關門大將俱在各邊調遣甚難奈何膚  
奏近京八府尚可召募皇上此行京城尚須人料理  
關門兵不可盡撤各邊大將不可輕調惟有在內公  
侯伯及內閣六部文武大臣皇上不妨召至御前面  
試其才能推轂而遣之上曰然膚復奏內帑不可不  
發除皇上服御外一毫俱是長物當發出犒賞軍士  
萬一行至中途賞賜不足區處甚難留之大內不遇

朽蠹先時發出一錢可當二錢之用。急時與人萬錢，不抵一錢之費。上又曰：然戶部也。着措置。睿復奏：靠不得外邊。如今三空四盡。戶部決難湊手。乞皇上自爲宗廟社稷計。決而行之。無待臨渴掘井也。上皆額之。須臾，漏下二鼓，命睿出宮。大學士李建泰自言：西人知賊中事，請督兵。真保以扼賊衝。上壯之，命爲督師。擇吉二十六日寅時，告太廟。卯時，行授鉞禮。殿梁響聲大作，如摧折然。巳時，駕登正陽門樓，親餞官軍。旗十餘萬，自午門外排至正陽門外。旌旗金鼓甚

大恩至矣  
何以圖報

盛文武百官聞召俱至上慰諭建泰再三日先生此  
去如朕親行賜坐賜晏列席十九文東武西御席居  
中御用金盞爵皆嵌大寶石是累朝重器諸臣則皆  
金杯也上復親迓建泰三杯卽以三杯賜之復出御  
撰手勅獎諭親臨正陽用寶以賜內璫爲掛紅簪花  
鼓樂導尚方劍而出建泰甫出宣武門輿扛忽折是  
日諸臣又公餞於護國寺建泰意氣英上言方入寺  
時視其印綬忽發大如斗同官相與賀曰此指日成  
功取金印如斗兆也此聞賊信洵洵建泰益進

六舍民  
那能殺賊

任路無人  
爲賊所笑

行日止三十里至涿州營兵三千迂回過東光兵不  
戢民閉城門建泰怒留以三日克之進退無措惟盜  
巡畿內而已賊移檄遠近有云君非甚黠孤立而煬  
敵恒多臣盡行私比黨而公忠絕少甚至賄通官府  
朝廷之威福日移利入戚紳間左之脂膏盡竭又云  
公侯皆食肉統袴而倚爲腹心宦官悉齟齬犬豚而  
借其耳目獄囚囂囂土無報禮之恩征歛重重民有  
偕亡之恨人讀之無不扼腕先是賊被榆關長河二  
千五百里之防晉獨當之賊衆兢兢窺渡巡撫蔡懋



德南北策應。大慶風陵兩挫賊鋒。尋以保德州告急。還省。巡按御史汪宗友特紆其儒。以郭景昌代之。未至。副將陳尚智投賊。爲前驅。總督俞應桂畏賊甚。遲迴河上。一無所爲。二十九日。賊從沙溝竟渡。三晉遂成破竹之勢。既陷平陽。而困太原。賊馬步號五十萬。懋德誓衆死守。登陴拒敵。矢石火藥傷賊甚衆。解將朱孔訓牛勇力戰死之。已而城東南角樓砲裂焚毀。風沙陡作。對面莫辨。守門將張雄爲賊內應。城遂陷。時二月十五日也。懋德縊遺疏。授贊畫知縣賈士章。

遂自刎爲衆所奪中軍應時盛扶上馬欲衛出城懋德曰吾封疆之臣應死封疆汝輩自去豈欲陷吾不忠乎遂至書院三立祠惟時盛相隨懋德南向自縊軀輕氣未絕時盛解鍬甲覆其身俟氣絕亦東向自勒死蓋時盛係遠諸生爲懋德議拔隸麾下見草遺疏卽歸寓殺其妻妾與十四歲子期以死殉布政使建極巡按陳純德等同死四十六人十六日賊到新州進攻代州五臺知縣投降地方官有載牛酒以迎者有脩子女以獻者上集府部九卿翰林科道等官

宋人議給  
水定其已  
決河可為  
險矣

會議禦寇措餉長策令各書單進呈內言措餉如贖  
罪勸輸及勲戚人等多貯本色近海州縣且輸本色  
裁冗將忌屯墾鹽鑄海運言勲冠如鼓勵土寨攻潼  
關救拾枝男令畿內州縣各自扼守後遺逸以收人  
才餉鎮藩以省兵費皆切寔可用踰日又召對上手  
摠憲李邦華密疏內云輔臣知而未敢言其試問之  
上問何事陳演對中允李明睿疏少詹項煜議單先  
是邦華與明睿私議南遷上親行與東官執便明睿  
曰太子少不更事稟命則不威專命則不敬不如皇

此時此勢  
吾親征無  
別策

上親行爲便於召對後卽能以疏大畧謂今日所最  
急者無如親征一事京營甲兵不下數十萬近畿召  
募可得數十萬但得聖駕一出四方忠臣義士英雄  
豪傑必有聞風響應者昔太祖高皇帝不嘗戰於都  
陽乎成祖文皇帝不嘗戰於漠北乎世宗肅皇帝不  
嘗幸承天乎祖宗勦業艱難節風沐雨披荆棘斬草  
莽皇上欲安坐而享之乎此何時也而爲此迂濶不  
切之論乎黃帝曰日中見曄操刀必割言貴時也時  
者難得而易失者也山東諸王府皆有宮殿聖駕不

妨暫駐蹕焉待大兵雲集勤王之師畢至然後徐議  
西征賊聞天子自來神武先已伐謀勢必倒戈相向  
而又運河設船登萊跨海山東河南兩路並進切近  
鳳陽祖陵在焉皇上又可駐蹕夫親征之舉以麓召  
忠義皇上倡之不必皇上自爲之也南京尚有兵部  
尚書史可法操江誠意伯劉孔昭此皆忠良曉暢軍  
務可寄以大事皇上不妨召而與之謀事無大小悉  
以諮之必能推陷廓清建此中興大業臣又聞居庸  
一帶無兵把守昌平一路無人控扼奸人從旁窺伺

中官妄意綱維實非完善一策伏乞卽日調度諸將  
從皇陵山外紮軍華城俱宿重兵命東宮居守入則  
監國出則撫軍此皇太子之職皇上吉日啟行留相  
臣魏藻德方岳貢護衛東宮輔導起居料理居守兵  
事三輔重地皇上自爲督率六飛親駕萬姓雷動兵  
士氣鼓軍中皆呼萬歲真定以東順天以西可無慮  
賊氛之克斥矣不然日逐一日優柔不斷天下大事  
尙可爲哉疏入上深許之下部速議而兵科給事中  
光時亨首奏爲邪說言不殺明睿不足以安人心虐

復上疏言臣勸皇上親征非臆說也古人已行之矣。古人用兵有爲弔民伐罪而出者湯武是也有爲復仇雪耻而出者光武是也有爲爰整徂旅以遏徂旅而出者文王是也有爲蚩尤逆命而出者黃帝戰于涿鹿是也此皆聖帝明王與英君誼辟不忍天下之陷危冒白刃犯鋒鏑以身尤士卒非好之也也有所大不得已也。皇上試思昔之開天闢地者無如漢高祖。唐太宗。宋太祖。有一不從戰爭撻伐中磨礱而出者乎。我朝開天闢地者無如高皇帝。有一不從復鋒陷

陣而成者乎。若使鄱陽之戰稍懈。或命將出師而不  
親歷戰場。將見僞漢立奔南昌。而東南半壁之大事  
去矣。皇上一言一動。無不法祖。而謂今日之舉。有拂  
於高皇帝之心乎。且今日臣之進言。爲親征也。而諸  
臣妄意以爲南遷。或使皇上發策南遷。此亦救時急  
著易曰。利用爲依遷。國書經盤庚一篇。皆言遷國之  
事。唐室再遷。再復。宋室一遷。南渡。傳國一百五十年。  
若唐。宋不遷。當時已早繫組北轅。又何有於靈武。武  
林之恢復。又何有於百年百五十年之曆數哉。上時



簡閱默然。卽召光時亨入面詰曰。一樣邪說。却只奉  
李明睿何也。顯是朋黨。又曰。光時亨阻朕南行。本應  
處斬。姑饒這遭。然而南還之議。寢矣。事介呼吸一失。  
莫道分勅太監高起潛等十人。監制寧前通津各鎮。  
兵部尚書張縉。彥疏言。今日糧餉中斷。士馬虧折。督  
撫各官危担欲卸。重責欲分。若一時而添內臣十員。  
不惟協力不繼。有失體統。抑且事權分掣。大悞封疆。  
不聽。又遣太監王坤。同給事中馬嘉植。韓加愈。率朝  
荐。往直浙閩廣督餉。戶部尚書倪元璐。兵部侍郎金

之俊等合疏諫止亦不聽三月朔巳丑月平兵變京師戒嚴上傳勲戚科道分守九門辛卯出兵部尚書張國維於獄命往浙直督理兵餉加魏藻德兵部尚書天津調兵方岳貢戶部尚書濟寧督餉不果行壬辰欽天監奏帝星下移詔加修省太學士蔣德璟予告回籍癸巳發內帑十萬遣太監杜之秩總兵官唐通協守居庸關封疆重犯俱許蠲贖又加太康伯張國紀嘉定伯周奎侯爵各蠲萬金太監王永祚曹化淳蠲至三萬五萬兩特賜建坊廕子以示優異又設

黃綾冊募百官。獨助有以衙門分任者。有以省直彙集者。大小不遺一人。甲午封唐通定。西伯吳三桂。平西伯黃得功。靖南伯左良玉。寧南伯劉澤清。東平伯乙未賊陷大同。巡撫衛景瑗死之。丙申。陷寧武。總兵周遇吉死之。遇吉夫婦臨陣。賊賊無數。賊誘降不從。及力盡。全家赴火。賊屠其城。是日。隨至宣府。人無固志。巡撫朱之馮自殺。總兵姜勳降。丁酉。陷陽和。己亥。至居庸。杜之秩。唐通降。巡撫何謙道。隨破昌平。總兵李守筠自殺。辛丑。兵部尚書張經彥議。刻期調勤王。

請出御批  
少痛淋漓  
字稍晚

兵壬寅。頒罪已詔。大畧云。朕爲民父。不得而卿冀之。  
民爲朕子。不得而極得之。坐令秦嶺血。號江楚腥。戮  
斯耻宗社。負疚黔黎。罪非朕躬。誰任其責。所以使民  
罹鋒鏑。陷水火。血流成壑。骸積成山者。皆朕之過也。  
使民輸芻輓粟。居送行齋。加賦惡無藝之征。預支有  
稱貸之苦者。又朕之過也。使民室如懸磬。田盡汗萊。  
望烟屋而無門。號冷風而絕命者。又朕之過也。使民  
日月告凶。旱潦荐至。師旅頻仍。疫癘爲殃。上干天地  
之和。下叢室家之怨者。又朕之過也。至於任大臣而

不法用。小臣而不廉。言官首鼠而議不清。武將驕僞。而功不舉。皆由朕撫馭失道。誠哉。未孚。終夜以思。踴躍無地。用是大告天下。痛加前艾。要在惜人才。以廣元氣。守舊制。以息煩苛。行不忍人之政。以收人心。獨額外之科。以養民力。念用兵征餉。原非得已。各撫按官。亟飭有司。多方勸輸。無失撫字。倘有擅加耗羨。朦混私征。又濫罰。濫刑。致民不堪命者。立行拿問。其有流亡來歸。除盡豁通賦。仍加安插賑濟。毋致失所。至於文武罪廢。才果堪用者。吏兵部確核推舉。若紳澤。

豪傑之士有能恢復一郡一邑者便與分官世襲卽  
陷沒脇從之流有能反正來歸者准與赦罪立功若  
能擒斬闖敵仍予通侯之賞起復太監曹化淳守城  
又命收葬魏忠賢骸骨時日色連旬無光是夜風沙  
刮天癸卯賊權將軍發偽牌定於十八日入城至幽  
州會同錦繡都人駭之甲辰日哺賊犯十二陵焚享  
廟伐松柏分兵掠通州狼儲是夜賊自沙河直犯平  
子門竟夜焚掠火光燭天乙巳出薊撫董象恒曾纓  
鄭二陽於獄已刻召對上嘆息言朕本非下國之君

諸臣皆下國之臣。拂袖而退。賊遣步監杜勳。總城人。議讓西北一帶。并犒軍銀百萬。無以應。隨縱去。賊衣黃甲。四面如黃雲。蔽野。炮聲轟轟不絕。守陴軍皆貴近家。詭名冒糧。隨時情窮。窮人代役。僅給黃錢五十文。雖外城二堵。置一卒。內城五堵。置一卒。率飢疲不堪。任老幼。內監俱棄城。凡數千人。丙午。早大雨。雨止。賊攻西直不克。攻彰義門。門忽啟。德勝平子二門亦隨破。蓋太監曹化淳內應。或云王相老官軍悉魚鳥散。賊遂薄內城。城上砲雖林立。不過乾響。是日上又召。

對嘆息與閣臣言。不如大家在奉先殿完事。更餘不  
太監王承恩人整內員爲出亡計。又傳硃諭至內閣。  
命成國提督內外諸軍夾輔東宮。已而微服欲奪門  
出。不得。望見正陽門城上懸白籠燈三碗。知大事已  
去。卽刻還宮。白籠燈者。自一至三。以表冠信之緩急  
也。上乃先發。公主或云未死次殺袁妃。周后返坤寧宮。自  
盡。上然後走煤山。縊死。外人喧傳以爲駕已出也。十  
九日丁未黎明。內門大開。官人狂走。錦衣衛方食牌  
禁詆言。而城中坑厠俱賊矣。京城壁立于併賊砍楊



樹爲雲梯。漏下五鼓。使孩兒軍從東北登。升以上孩  
 兒軍者。賊中年少童子。習殺掠。罔不畏死者也。城中  
 火起。順成。齊化。東直諸門。一時俱開。日午。自成擁百  
 餘騎。直入紫金城。僞軍師宋獻策。永城人。長不滿三  
 尺。軍中呼爲宋孩兒。僞內閣牛金星。河南人。乙卯孝  
 廉。僞將軍王者。爲劉宗敏。李牟。副則田化龍。李岩等。  
 分將各兵。百姓擁香伏迎。門俱枯。順民字。賊兵恣行  
 殺掠。婦女淫污死者。井涉梁屋。皆滿。賊懸萬金賞。購  
 先帝未幾。得太子。諸王。兩宗敏。營中內庫。

門無何益

死猶生  
百姓其是  
千古聖主

金銀無數。掌書宮人杜氏、陳氏、竇氏爲賊所錄。明日賊出示安民。午刻得先帝凶問。縊於蘇山之紅閣。紅閣者先帝爲內操持建者也。司禮太監王之心跪帝膝前引帶扼腕同死。所御玄色緞邊白綿紬背心。有御筆血詔云。朕在位十七年。薄德匪躬。上邀天罪。至口口內地四次。逆賊直逼京師。諸臣誤朕也。朕無顏見祖宗於地下。將髮覆面而死。任賊分裂朕尸。勿傷我百姓一人。初燕都之遷虜也。大內有密室。劉誠意留秘記鑰鑰其固相誠非大變勿啟。癸未秋。清兵

生數已前  
定卯

圍城上啟視室中惟一櫃發之得繪圖三軸第一圖  
繪文武百官數千俱手執朝服披髮亂走上詰問內  
臣答曰或恐官多法亂第二圖繪兵將倒戈棄甲窮  
民負擁奔走狀上又問內臣答云想軍民背叛也上  
勃然變色再展第三圖圖像醜肖聖容身穿白背心  
右足跣左足有襪履披髮中懸於今日分毫不爽賊  
命以雙扉昇帝后於東華門側歛以柳棺覆以蓬廠  
莫有敢往哭者賊命百官次早見朝又拘各衙門長  
班報名先後死節最著者刑部侍郎孟兆祥死正陽

中丞  
所從  
受相  
互出  
虛掩  
相本  
余不  
關之  
以有  
公道

門下子進士章明闕家自殺大學士范景文先不食  
三日城陷號泣投井死戶部尚書倪元璐紗縢絳衣  
以酒奠漢壽亭侯南面坐自縊死翰林院簡討汪偉  
貽書戒子以忠孝引鄉先輩趙昂張夫婦爲比大書  
壁上身不可辱志不可降夫妻同殉節義成雙同妻  
耿氏正位就縊死吏部員外許直賦詩六章有愿侍  
吾皇邁諸帝祈哀仍使國威揚丹心未雪生前恨青  
簡空留死後聲之句冠服自縊死左都御史李邦華  
聞變拜闕自題壁曰堂堂丈夫聖賢爲徒忠孝大節

之死靡他。走文丞相祠。自縊死。左諭德劉理順題壁  
有云。成仁取義。孔孟所傳。文信踐之。吾何不然。科名  
既古。豈肯苟全。三忠祠內。無愧前賢。與妻萬氏。妾李  
氏。及僕四人。俱縊死。兵部主事金鉉。易祿。素加冠袍。  
躍入皇城。御河死。母章氏。妾王氏。弟琮。同時赴井死。  
大理鄉。凌義渠。擗哭廟柱。血淋漓。沾袖。蓋焚所著書。  
易排衣。設香案。再拜自縊死。遺命惟曰。死後書我極。  
云。死節孤臣。凌義渠之極。如是而已。兵部主事成德。  
贈書員諱德馬世奇。相約死難。以慷慨從容。二義爲質。

操錫哭奠梓宮前叩首觸階死母張氏亦自縊左論  
德周鳳翔同一妾自經死賦絕命詩有云碧血九原  
依聖主自頭雙老望忠魂太常少卿吳麟徵走三元  
祠索酒痛飲絕筆以身居諫垣不能匡國法應援服  
頸時用角巾青衫覆以單衾墊以布席棺宜速歸爲  
言又寄弟麟瑞書則憂江南有事寄從弟書則明生  
平欲學文山之志寄諸子則教以讀書明理遂投緹  
死右論德馬世奇沐浴衣冠捧所署司經局印北面  
再拜付僕間赴行在復南面拜母與二妾朱氏李氏

同盡其未死前答兵部成德書以吾輩舍一死更無  
別法吾不爲其難誰爲其難者御史王章與光時亨  
巡城賊奄至叱下馬時亨降章不屈賊飲三刀墮城  
下死戊戌侍郎王家彥督守安定門門破以不得追  
隨乘輿觸死輦前爲恨走民間空屋縊死副都御史  
施邦曜太僕寺丞申佳胤刑科都給事中吳甘來御  
史陳良謨俱自縊死甘來先期托子與友賦詩有云  
君臣義命乾坤晚孤鼠干戈風雨秋邦曜賦詩有云  
慚無半策匡時難

聖恩良謨妻時氏從

三威  
死得果

之動成則新樂侯劉文炳擇一大井合男女十六人  
盡投其中縱火焚宅慷慨躍入就義最烈惠安伯張  
慶霖盡散財物於親戚致酒圍飲四面積薪全家共  
焚東宮侍衛周鏡母妻一門俱殉附馬都尉筆永固  
子女數人悉繫公主樞前縱火焚宅大書世受國恩  
身不可辱八字然後就緦他若中書舍人宋天顯賊  
魁書僞詔天顯擲筆謾罵觸階死衛經歷施溥仰藥  
死毛維張拷掠死順天府學教官五人同縊明倫堂  
上工部郎中李逢申主事王鍾彥順天府推官劉有



潮光祿署丞于騰駿副兵馬指揮姚成錦衣衛指揮  
李若璉衛道房千戶高文采英國公張世澤清平伯  
吳遵周陽武伯薛濂博平侯郭振明永寧伯王長錫  
彰武侯楊某太監王承恩王之俊俱死之而江米巷  
口有傳神者夫婦同縊又有童生周姓憤激投甕  
血數升一慟而絕布衣湯文瓊自刎死生員曹文暉  
居民用氏李小槐閨門俱死文瓊書其身曰位非文  
丞相之位心存文丞相之心識者哀之在外則蘇州  
諸生許瑛聞變痛哭終粒不食號呼先帝以卒襄戚

以漢之符  
以今飲用  
終士全城  
保身何患  
無家計不  
出此所以  
計財所  
謂利原  
殊者地  
丘公道  
社未流之  
天被執  
破城之日

伯李國植請勿犯陵寢改贈先帝后勿害太子二  
三事賊並詔乃易他棺葬以帝祭以王數日後葬於  
國貴妃墓之斜惟國植一人往送國植隨自縊各官  
皆責助側極刑拷掠陳演獻至銀三萬兩金三千兩  
牙三斗立瑜初被執即自縊為賊收醒後服米片死  
其未執前即書絕命詞有云百歲春光強過半匡時  
力短規鳴珂詩書萬卷都無用惟有先賢正氣歌又  
評評勉子之教以忠孝有到虞青山可埋吾骨何必  
故鄉等語方岳貢魏藻德俱被刑藻德自勒死岳貢

事與願違  
君子惜之  
若方難方  
血應責其  
不早死種  
種誠誠不  
千莫其因  
如予所給  
知子與給  
誅非非楊  
輪船水如  
土人計月  
平時文澤  
堂方太  
史格之日  
中翰容生  
皆自難或  
按本因以

不食死其餘或用或逃或刑姓氏未許兵將克塞街  
恭忠意臨原惟殉難諸臣門賊令不許懸擾盡灰貫  
城罪囚是時畿內各屬望風歸順惟保定領誓死拒  
戰至四面環攻力竭不支二十四日方陷一時在事  
諸臣則有甫到未任知府何復親放藥礮被火燒死  
同知邵宗立卽時投縋太監方正化城頭殺死鄉紳  
則光祿少卿張羅彥自縊進士張羅俊馬賊被殺武  
進士張羅輔城破巷戰手刃數人面死以及婦女幼  
子張氏一門死者二十餘人御史金鏡峒分守西門

被中致受  
酷刑諸如  
此類指不  
勝屈一經  
詔問從逆  
甚矣野史  
以爲真不  
可置數言  
然其矣

奔奉擊賊投井妻王氏自縊任振豫爲賊文解子嬰  
媳陳氏與其祖母張氏母楊氏嫂常氏俱投井死都  
指揮劉忠烈罵不絕口身被數鎗立死不屈舉人張  
尔彈抗賊被殺高涇被執殺死水中河間知府方文  
耀亦死明朝制度賊任意紛更閣改天祐等名六部  
尚書爲政府翰林院爲弘文館文選司爲文論院御  
史爲直指給事中爲諫議正事爲從政布政爲統會  
巡撫爲節度使按察爲防禦使尚寶爲尚書司太僕  
寺爲驗馬寺通政使爲知政使中書爲書寫房府爲

尹州爲牧縣爲令武臣守備爲守領把總爲守旅公  
服領尚方以雲爲級一品雲一二品雲二乃至九品  
雲悉如之帶月犀銀角三等廢輿乘馬大篆曰符小  
篆曰契先鑄永昌錢字不成文又鑄九聖不成文陸  
御座輒目眩頭暈見白木人數丈長者前立四月三  
十六日官民三次勸進其文有云比堯舜而多武功  
遭湯武而無顧德賊命毀太廟神主遷太祖神主於  
歷代帝王廟中擇二十九日登極受朝賀慶吉士魏  
學濂死之濂固忠節公大中之子孝子學伊弟也先

是濂道間使走容城。勲緒義旅。豈得一當。異朝皇嗣。  
既聞太子二王俱爲賊。得知事不可爲。遂就盡其絕。  
命。詞有云。忠孝千古事。於我只家風。一死輕鴻毛。臨。  
難須從容。有血麗微軀。官卑非侍中。有舌且存之。并。  
遂常山。今因約同志友。延頸受霜鋒。不能張空拳。與。  
彼爭雌雄。不能奉龍種。再造成奇功。死且有餘罪。何。  
敢言升忠。所痛母垂白七十。仍尸棄。未葬。凡五喪。留。  
與子在封。人生誰百年。壽夭死所同。我比兄與弟。我。  
年福爲豐。高堂無復悲。豈不生阿儂。辭母却就父。生。

死猶西東骸骨雖不歸卽於此詩筒墓木有拱時清  
韻入秋松是時吳三桂率兵入關報至軍民踴沸蓋

三桂以征遼前鋒將軍宿重兵於寧遠城計其部下

原有寧遠精兵四萬遼民七八萬皆附其戰而桑丁

數千尤為雄悍賊素畏之先是朝議撤寧遠守關門

三桂與薊督王永吉達撫黎玉川倡之謂是前後屯

失守寧遠孤懸二百里外四面阻險防禦極難且寇

氛日迫三輔震驚宜撤寧遠并守關門挑選銳士西

行遣寇卽京師作驚關門之援且夕可至上下其議

便此說  
有土則爲  
天下之本  
其次則爲  
州之利  
通年難  
行全法  
無大難  
無小難  
無社而民

給事中吳麟徵言撤之便。一時廷論羣嘩。諸閣臣方  
相左。其言三桂之調不調。視寧遠之棄不棄。無散華  
地三百里。臣等不敢任其咎。事遂寢。迨寇患悉。朝廷  
悔之。屢下旨。撤督臣永吉。以三月初旬出關。徙寧遠  
五十萬衆。日行數十里。十六日入關。二十日抵豐潤。  
京師陷。夾三桂。聞變。憤甚。頸兵山海走。清朝乞師。  
許之。四月初。賊命三桂父驤作書招桂。賈銀四萬兩。  
遣唐通稿之。別以賊兵一萬守遼。三桂佯受其金。而  
出不意。盡行欲殺。賊將負重傷逃。歸。三桂致書絕父。



云見以父陰熱聞義訓得待非戎行日夜勵志冀得  
一當以酌聖眷屬邊警方急寧遠巨鎮爲國門戶  
陷幾盡見方力圖恢復以爲李賊猖獗不义卽當撲  
滅恐往復道路所失事機故尔暫稽時日不意我國  
無人望風而靡吾父督理御營勢非小弱魏魏萬雉  
何至一二日內便已失墮使兒巷甲赴關事已後則  
可悲可恨側聞聖主憂駕臣民慘辱不勝既裂猶意  
吾父素負忠義大勢雖去猶當奮一擊誓不俱生  
不則刎頸闕下以殉國難使兒緝素號勦仗甲復讐

小  
人

不○濟○則○以○死○繼○之○豈○非○忠○孝○絕○美○乎○何○乃○隱○忍○偷○生○  
訓○以○非○義○既○無○孝○賢○禦○寇○之○才○復○無○平○原○罵○賊○之○勇○  
父○既○不○能○為○忠○臣○兒○亦○安○能○為○孝○子○乎○兒○與○父○訣○請○  
自○今○日○父○不○早○圖○賊○難○置○父○鼎○俎○旁○以○誘○三○桂○不○願○  
也○自○成○怒○即○於○十○三○日○率○兵○往○戰○盡○戮○吳○驥○家○口○三○  
十○餘○人○三○桂○痛○哭○誓○師○今○其○其○皆○雄○髮○刻○期○勦○賊○軍○  
聲○大○振○賊○戰○敗○於○一○片○石○十○六○日○狼○狽○還○京○誅○陳○  
演○及○戚○陽○定○國○諸○勲○戚○二○十○八○日○悉○說○西○行○輜○重○集○  
筭○或○曰○太○子○二○王○挾○之○俱○出○二○十○九○日○焚○官○殿○後○隊○

亦盡去。又二年，自成病死，葬公山。其侄一隻虎以帝禮葬之。卽率眾降於何騰蛟。先是陝西秦攻都，任憤李賊所至，掘陵塚，甫獲寢安。卽拘李氏宗而詰自成父母藏柩何在。初，賊不吐，則大呼吾將盡掘李姓墓。如有報者，發視則膚色如生，骨且有肉。乃刃剖而冀潛之。快哉。五月初一日，傳言太子卽位，百官迎候於朝陽門外。此初三日，王則清朝，朝撫成王也。王登武英殿，受朝賀。問漢官何人最賢，舉李明睿對。命爲禮部左侍郎。明睿以病辭。王曰：「爾朝皇帝尚未收。」

欽○明○日○卽○欲○令○京○城○官○民○哭○臨○無○神○主○何○以○哭○  
臨○無○謚○號○何○以○題○神○主○明○睿○開○信○大○勸○王○義○之○卽○命○  
議○謚○於○朝○房○謚○先○帝○爲○懷○宗○端○皇○帝○周○皇○后○爲○烈○皇○  
后○安○奉○神○主○於○帝○王○廟○初○六○至○初○八○三○日○萬○姓○哀○號○  
如○喪○考○妣○尋○命○造○陵○衆○以○田○皇○妃○墳○弘○殿○壯○麗○明○睿○  
經○營○相○度○厝○先○帝○於○中○台○周○皇○后○居○左○出○皇○后○居○右○  
不○十○日○竣○事○王○出○示○京○城○令○官○民○除○服○剃○頭○衣○冠○悉○  
遵○大○清○之○制○自○是○京○城○內○外○盡○皆○薙○髮○清○朝○建○  
都○於○燕○云○